

誠意伯先生詩鈔

二

柳田文庫

文庫11

D 221

2

10 15 20 25 30

文庫 11  
D 221  
2

誠意伯詩鈔卷之二

日本紀伊垣內保定子固氏纂

歌行

為王輔卿郎中題雪灘寒雁圖

雲茫茫水浪浪林木脫葉無稻糧烏啼雁叫天蒼涼  
歲云莫矣江山長有竹有竹在高岡三株凍折兩復  
僵小禽悲飛不能揚蒼梧悠悠隔沅湘欲往從之川  
無梁願披寒霄見朝陽勿令嗷嗷傷我腸

琴歌贈劉元明

龍門獨樹冰繭弦空林霜清鳴暗泉姮娥抱桂寒不

誠意伯詩鈔

卷二

一

帶香草閣藏

010190556722

眠離鸞怨啼風滿天碧潭殷雷龍起蟄月落太陰山  
鬼泣湘江秋水一劍明帝子歸來聞珮聲扶桑浪翻  
碣石改東海魚飛入西海白雲去盡天茫茫十二玉  
樓深夜涼

寄江西黃伯善兄弟

我思美人乃在洞庭之陽彭蠡之陰衝波亘天三百  
里離恨比之應更深揚瀾咆哮左蠡怒白日慘慘玄  
猿吟欲往從之憤余心龜龍腕腕不可以駕風撻撻  
兮雨滢滢望厭原之飛烟邈匡廬之高岑霞標日觀  
矗南斗石門雙闕撐嶷嶷虹旌兮翠羽昌容兮鳳皇  
舞菼衣兮蒞襟玉笙吹兮紫鸞音望不見兮悲莫任  
江水湛湛愁楓林西來文魚曾到海願寄筆札逾兼  
金

題安仁余氏留餘堂

君不見石季倫對案方丈皆八珍珊瑚夜光視如土  
寧知汨沒同埃塵又不見李贊皇平生鼎食滿萬羊  
中厨烟火宵未冷詔書趣使趨南荒金谷名園委蔓  
草平泉荆棘無人掃榮華瞬息可奈何空令過者傷  
懷抱世人積金貽子孫一朝金盡難復論古來天道  
有好還君看漢代于公門

送胡季瑛平江監倉

君不見棠谿沙中金，又不見龍門山上桐。衝波蕩汨入坎窞，石溜漱齧敬雷風。梓人桃氏不見顧，自分委棄蒿櫟同。一朝清廟作雅樂，搜索絡繹奔垂工。飛廉鼓鑄王爾劬，熾炭利鑿相治礪。朱絃橫緝荀簾立，鎮圭袞冕齊雍容。世間物理有消息，累土自可成穹隆。司倉雖微君莫棄，君不見魯叟當年嘗委吏。

弋陽方氏壽康堂

先生築堂依林臯，繞屋杉松浮翠濤。烏皮靈壽扶鶴髮，頂有千歲雙垂條。小孫踉蹌竹馬戲，大孫綵衣花底翺。有耳不聆闐闐音，有目不識簿領曹。鶯啼燕語日高起，羽觴沈沈浮春醪。君不見非熊老人釣清渭，九十鷹揚亦勞瘁。

爲杭州鄭善止題蓬萊山圖

君不見大瀛海中有神嶽如崑崙，周遭四城五十里。石骨纏繞扶桑根，琪華爛日珠炫夜翠樓。玉殿虎守閤，鍾山燭龍在其北。兩眼燁煜如朝暎，仙人東王公掌握天紀。弼帝尊長虹爲轅龍，作馬飄然乘風白日在下。弱水蕩蕩無可負，芥自從大禹刻石之後來。者寡彼秦之皇，其貪如狼而漢之武，其欲如虎樓船。

萬斛空巍巍欲到不到風掣之徐市蜉蝣身乃欲邀  
安期文成五利小豎子羊質強使蒙貔皮神仙大咲  
起濤浪射魚海上夫何爲

壽山福海圖歌

吾聞軒轅之國乃在大海之中央其不壽者八百歲  
壽者乃與天地同久長樓臺縹緲造雲漢赤日繞戶  
扶桑涼玉泉之水清以香瑤草之味如瓊漿洪崖有  
時來環佩聲琅琅鳳皇自歌鸞自語青蛻連蜷白雲  
舞淋漓豹髓浮瑤觴璫錯金盤薦麟脯耳聞楚水泣  
皇英眼見高郊葬彭祖琪華玉樹宵有光東風入律

春茫茫春茫茫樂無極青雛夜夜月中來廣寒姮娥  
寄消息

送人分題得鶴山

丁令威乃在崑崙之墟閬風之巔羽衣誤作塵土夢  
回首人世三千年空中落日松柏冷苦霧慘慘含悲  
泉夢隨回颿訪瓊田紫雞青鴨還相憐丁令威將奈  
何野有矰繳隰有網羅前飛鳥鳶後駕鵝啄腥爭腐  
聲嘍囉渺予懷兮隔烟蘿杳冥冥兮猗長歌丁令威  
胡不歸槐江之山連大駝玉樓金嶂中天開玲瓏碧  
樹鏘瓊瑰鳳皇有閣鸞有臺君胡爲兮獨蒿萊丁令

威歸去來

題謝舉羽傳後

阮籍哭窮途墨翟哭素絲賈誼上書期寤主卞和抱  
玉無人知人生有情不可塞謝生慟哭非狂痴神奔  
鬼遁天地革龍魚貓虎三辰黑黼裳玄袞換氈裘鞮  
唱差歌滿中國生也何辜逢此時有才不用空男兒  
伯益丘墟管仲沒孤根弱植誰扶持既不能學申昏  
頓首血沾臆却吳再建荆社稷又不能學鄒衍長號  
徹帝關飛霜六月淒燕山空將淚灑荒岡雨添作秋  
濤撼江浦君不見杞梁之妻善哭夫哭得城崩又何

補夜猿叫罷天晦冥哭聲搖動虛危星瀟湘竹死鳳  
皇去但見白波連洞庭嗚呼此士今安在金石可銷  
心不改應將魂魄化精衛銜取南山填北海

松陽周處士冰壺歌

冰壺者枯蒼周處士之所以自號也夫冰太陽寒  
水之凝而壺者器也水凝爲冰至柔而變爲剛天  
下之剛莫尚焉壺之貴者以玉爲之雖栗而冰乎  
其腹僕切異之於是乎歌以評焉歌曰

陰風吹空寒凜冽玉壺夜半玄冰結十二樓中瑣翠  
鸞太微宮裡縣明月明月流光照玉壺珠飛上天滄

陽字可疑

海枯青女鍊霜封，貝闕燧人炳犀龍泣，血銀河凌澌  
膠北斗，五色石裂媧皇走，相看一笑天茫然，回首人  
閒三萬年。

青羅山房歌寄宋景濂

若有人兮乃在大江之南，淝河之東，連山倚拔瀛海，  
上上與河鼓天津通，憶昔四女下天來，遺鬢墮髭根，  
龐鴻仙華傑出，最恠異望之，如雲浮大空，欽崙巖  
齧齧不可上，蒼蔚襟樹昏，腫臃虎龍咆，號猿鶴叫山  
鬼呵歛，生悲風嗟哉，若人兮胡爲乎其中，梁檀栴兮  
柱桂楓，結青蘿兮以帡幪，不翦不伐兮不盥，以攻晨

嵐暮藹滴晴雨，烟條霧葉相蒙籠，繆繆拳拳  
兮蓬蓬，繚糾要紹兮若蒼龍，垂胡降玄穹，琴麗披離  
兮若翠鸞，振迅飛蕤，氈鷲黃和鳴，桑扈應髣髴，牙曠  
之絲桐，幽泉發竇，鏘玲瓏，六月赤日收，蘊隆陽凌陰  
蓄春融融，巖花澗草紛白紅，有時皇初平，清夜騎羊  
朝帝君，瓊蕤羽蓋冰玉珮，華月閃爍光成虹，松吹笙  
兮竹舞，翾影旆旆兮，殷颯颯娛目悅耳兮，樂不可言  
世閒塵土何夢夢，山有芝隰有薑石，鑿鑿兮水滢滢，  
猗若人兮美且充，飢食倦息兮可以保，我躬逍遙兮  
棲遲，又何必訪廣成于崆峒。

為本大師題唐臨晉帖

乾符天子萬機暇，宮中扈從多。儒冠玉堂開，宴出晉  
 帖。翠氣蕩搖山，雪寒侍臣摸寫各臻妙。碧樹瓊柯相  
 照耀，令致嗟嘆至尊喜。內官拜舞宮娥咲，日斜宴罷  
 歸內園。外門有事人不言，君不見關東夜飛赤白丸。  
 昭陵玉匣秋風酸。

題也。先進德祖母徐氏節義傳。後進德之祖以  
 戰死時其祖母年尚少。

鳳乃鳳之匹，麟乃麟之儔。錦衾角枕期，白髮誰知不  
 得同。山丘丈夫殉節殞，烽火英靈在世何曾死。兩龍

未合延平津，白日無光天色紫。君不見青松與鬼絲  
 引蔓相纏縈，松摧絲蔓斷。結根猶作千歲苓，洞房含  
 風霜露早。孤兒啞啞在懷抱，皇天可憐兒長成。相見  
 黃泉情亦好。

畫竹歌為道士詹明德賦

我所思兮在瀟湘，蒼梧九疑渺無際。但見綠竹參天  
 長，上有寒烟凝不飛。下有流水擊琅琅，中有萬古不  
 盡離別淚。化作五色丹霞漿，穿岨貫石出厚地。風吹  
 露滌，宵有光。我欲因之邀鳳凰，天路脩阻川無梁。孰  
 知畫史解人意，能以造化歸毫芒。虛堂無人白日靜。



使我顧盼增慨慷，玄霜慘烈歲將晏。鼉啼鼉叫天悲涼，我所思兮杳茫茫。山中紫筍春可茹，歸來無使遙相望。

題蘭花圖

幽蘭花在空山，美人愛之不可見。裂素寫置明窻間，幽蘭花何菲菲。世方被佩，蕢荼施我欲。紉之充佩褱，裊裊獨立衆所非。幽蘭花爲誰好，露冷風清香自老。

題王元章梅花圖

道人紅顏映髭雪，欲與梅花鬪清潔。夢魂化作梅花神，貌得梅花最奇絕。高軒落筆當晴曦，北風吹樹寒

雲垂九霄露洗珠玉，蓋野水影動龍蛇。枝勞生苦被煩熱，惱見此令人暢懷抱。虛堂夜半明月入，玄鶴一聲驚絕倒。西湖處士骨已槁，湖上淡烟迷蔓草。石壇日夜長蒼苔，紫脫瑤英爲誰好。羅浮山在何處聞，道其間無散木。只有梅花三萬樹，黃初平在金華山中。白羊許借我，與爾並駕凌飛霞。

題縣崖蘭花圖

洞庭一夜西風起，沅湘美人隔秋水。翠黹玉佩冷不收，怨入蒼梧九千里。蒼梧之山絕浮烟，上與女媧所鍊之石相牽連。瘦根迸雲石爲穿，紫莖瓊蓋涓飛泉。

諷韻作詩錄 卷二 帶補遺開辦  
一開一落三千年歲晏玄霜白日昃南山桂枝化為  
棘我欲采之無羽翼月宮青鸞呼不來臥看月明空  
太息

爲董楚芳題山水圖

金庭接四明會稽藏禹穴半嶺生白雲如濤湧溟渤  
我住城南隔天鏡朝夕看山見山性是誰摸寫作畫  
圖展向高堂色相映天上寶書緘石室翠栢蒼筠曉  
蕭瑟有蛟如龍身九屈林深嶂疊不見日龍氣吐爲  
烟霧出何處樓臺杳靄中蓬萊只在雲門東陽崖不  
留建木影陰澗自起樵人風賀知章今已矣湖邊酒  
船爲誰艤赤城霞標通宛委陵苔花開落松子蕙帶  
荷衣歸去來清泉素石無泥滓

寄陶中立郭秉心敘舊言懷

爲別未五載恍如生死隔有時長想愁欲狂中夜感  
歎無羽翼憶昔相逢俱壯年錢唐柳綠花含烟粉墻  
繚繞子雲宅華燈照幙自草玄春城飛雪滿一月立  
馬敲門馬蹄沒銅壺驍箭三十六易坐更投鏃相抗  
仰天大咲催命觴酒多雪急天茫茫論文握手到爾  
汝知有膠漆無叅商君行却向江東去我亦棲遲廣  
文署震澤風驚白雁秋玉山露落青楓暮井邑蕭條

劫火餘行人何處問緘書傳聞那得辨真假引領遙  
望空嗟吁今年飄泊越城裡重見手書悲且喜舊遊  
雖在舊人非獨立看雲淚如水羨君絳帳開海濱絲  
衣堂上生陽春艱危大幸適樂土況有主翁賢且仁  
嗟余數與時不偶畫虎不成祇類狗家鄉蕩析身轉  
蓬棄置田園事奔走豺狼在郊蛇在藪府縣官曹但  
糊口藩垣久厭邊鄙報旄丘載馳徒疾首郭公子今  
何如璞中之玉可照車委棄土壤慚砢砢往事轉頭  
同過翼猿鶴蟲沙豈終極南山直榦劈雷電般匠束  
手無顏色殷勤寄情素會面未有期願言努力各自

慰莫遣青鬢先成絲

爲戴起之題猿鳥圖

牧溪画

巴東之西巫山高連峯插天關健牢中有懷凌數谷  
之波濤藤蘿杳冥風怒號人跡不到神鬼逃但見野  
猿沙鳥羣相嘈聒聒百竅搖巖壑此景可聞不可遭  
爾何爲乎貌以毫毛嗟哉用心無乃勞江盤峽束雷  
雨昏崩岨死樹纏古根玄猿抱兒隨白猿長臂腰嫋  
相攀援舔舐譎詭趨騰騫縣柯攬石墜且掀上有滿  
月如頰盆篋管桃枝寒自蕃嘉實不食鳳高翻但見  
娥皇女英之淚痕勢窮險盡原野闕落日烏鴉繞雲

言詩集卷之二  
黑荻花茫茫蘆葉赤前飛鵝鷓後鳧鷖瀟湘洞庭烟  
水碧騶虞鸞鷲無顏色還君此畫長太息獨立看天  
淚沾臆

題界畫金山圖

岷山導江入海長金山却在江中央下有地軸連扶  
桑上有鳥道通九陽白波繞之如雪霜杳然浮空或  
低昂但見危樓峻閣造牛斗一似蓬萊之鏘鏘撞金  
伐革殷朝夕丹雘翠葩相焜煌巖崖洞谷蛟龍堂斑  
鱗錦紋頰頰張隱嶙窈窕變暄涼虎蹄豹跡萬古不  
可到海若夜出烟霞香摩尼之珠明月光日連持來

自西方謂能驅遣毒沴消災殃轉惡爲善回妖祥嗟  
我欲往不能翔畫中忽見心飛揚涉水有鼉野有狼  
武陵桃花今渺茫浩歌一曲增慨慷

題界畫臥龍山樓閣圖

巍巍乎大海之西浙河之東是曰會稽夏后所封吞  
雲吐雨隔躔次闔闢光景調春冬地平天成五千載  
職貢長與中華通洞天石室神仙宮香爐紫氣騰芙蓉  
禹穴窈窕潛蛟龍玉書金簡今無踪但見蒼松翠  
柏掩曖閉白日猿狖叫嘯生悲風臥龍何蜿蜒向之  
離立如孩童上有朱甍碧瓦縹緲浮玄穹流星穿牕

詩意何許錄  
卷二  
月掛戶下視水木光玲瓏多年不見掌  
瞻處野花自落莓苔中綠蘋香飄楊柳濃  
漁舟一葉波溶溶黃冠賀老已寂寞澹烟  
細雨空青楓雁山狂客意匠工能以翰墨  
偷天功對此使我心神融便欲築室依龍  
從短衣瘦策尋葛洪嚙服石髓餐晴虹翩  
然遠逐浮邱公不須懷古意慘戚伯夷綺  
李俱蒿蓬

陳彥德以畫見贈歌以酬之

君不見昔者米南宮又不見今時趙學士  
能將翰墨爭鬼工天下流傳名父子枯蒼  
處士身姓陳小郎英俊尤可人欲收大地  
入掌握筆意所到如有神曉攜

小幅來贈我紅日滿總花婀娜開軒展  
視心眼寬如在岳陽樓上坐湖波吹烟入  
遠山君山乃在湖中間蒼梧九疑隔湘浦  
孤雲目斷幽篁斑漁舟一葉來何處巫峽  
雨昏啼鳩暮澤畔行人久不歸沙上輕鷗  
自飛去陳公子聽我歌深林大谷龍蛇多  
蓬萊三嶋可避世欲往其奈風濤何

長平戈頭歌

長平戰骨烟塵飄歲久遺戈金不銷野人  
耕地初拾得土花漬出珊瑚色邯鄲小兒  
強解事枉使泥沙埋利器四十萬人非少  
弱勇怯賢愚一朝棄陰坑血冷

秋復春朽壤食盡蒼蛇鱗湮淪長愧杜郵劍廢墜空  
憶搗喉人故壘中宵鬼神入雲愁月暗戈應泣嗚呼  
當時豈無牧與頗戈乎不遇可奈何

涇縣東宋二編修長歌

浙東行人過江左正值蕤賓之管吹輕葭陰氣黯黯  
天地閉仰面不見扶桑鴉谷風哀鳴灌木應兩脚四  
垂如亂麻崩湍湧溜汨奔會平地碾齧作白窪便疑  
桑田變滄海流水熒眼無津涯管茅披猖黃竹拜蛙  
黽狼藉助喧譁滿路青泥襍隕籜局縮良觸蛙與蛇  
破瓦荒畦舊市井荆榛穢奧巢麀麀翠眉蟬髮轉蓬

水乾隆本作永

與乾隆本作與

去頽墻缺甃劫火燬善淫禍福不可料韶豔夫閔令  
人嗟叢祠佛殿總銷歇但見木偶眠泥首前度長洲  
絕短澗輿從沾濕水沒騰寒颼瘁瑟透衣袖雖有種  
蓋那能遮水邊老鶴學人立鷺鷥侍傍如小嫖廢田  
蔓草結旌旂農夫盡化為蟲沙布穀不知時事異勸  
耕終日聲查查晚來雨歇到涇縣只有蒿荻無人家  
縣官趨迎入公廨筋攣骨解肉半麻蕭條破竈冷灰  
地飢童凍口張哈呀滄沓麥飯那能致新豐酒醪何  
處賒古稱悲歌可當哭莫恠咲謔同兒哇夜深月出  
照庭樹鬼燐一似青蓮華驚魂遁魄稍歸舍收入志

慮無令邪愁雲苦霧子規叫起坐更盼羲和車

舊在杭時為冷起敬賦泉石歌亂後失之今起

敬為協律郎邀予寫舊作已忘而記其起三句

因更足之

君不見吳山削成三百尺上有流泉發蒼石冷卿以  
之調七絃龍出大陰風動天初聞涓涓響林莽悄若  
玄宵鬼神語冷然穿岷達幽谷竽籟颼颼振喬木永  
懷帝子來瀟湘瑤環瓊珮千鳴璫女夷鼓歌交甫舞  
月上九疑啼鳳凰還思媧皇補穹碧排挾銀河通積  
石咸池瀉浪入重溟玉井冰澌相戛擊三門既鑿龍

十乾隆本作干

池高三十六鱗騰夜濤豐隆咆哮震威怒鯨魚捷尾  
驚蒲牢倏然神恠歸寂寞殷殷餘音在寥廓鮫人淵  
客起相顧江白山青煙漠漠伯牙骨朽今幾年叔夜  
廣陵無續絃絕倫之藝不常有得心應手非人傳憶  
昔識子時西州正繁華箏笛沸晨暮堯離傑侏爭矜  
誇子獨倘佯泉石裡長日松陰淨書几取琴為我彈  
一曲似掬滄浪洗塵耳否往泰來逢聖明有虞製作  
超莖英和聲協律子能事罔俾夔摯專其名

五言古上

感懷

言不言金  
閑夜坐中庭，逍遙散煩襟。素月出高雲，清風來遠林。  
仰觀河漢流，俯聆鶻鳩吟。佇立起長歌，感歎一何深。  
驅車出門去，四顧不見人。迴風卷落葉，颯颯帶沙塵。  
平原曠千里，莽莽盡荆榛。繁華能幾何，憔悴及茲辰。  
所以芳桂枝，不爭桃李春。雲林耿幽獨，霜雪空相親。  
誰云魯酒薄，邯鄲被戈矛。楚館困兩君，乃爲馬與裘。  
舉世共如此，太息復何尤。振衣箕山頂，引領望許由。  
終然不可見，涕淚交膺流。

古人盜天地，利源不可窮。今人盜農夫，歲莫山澤空。  
紛紛九衢內，連袖如長虹。共咲沮溺鄙，各事游冶雄。  
悠悠方自此，袞袞何時終。

啾啾草間雀，日隨黃鳥飛。爭先赴稻梁，寧顧野人機。  
便便善柔子，懷利近相依。但慕春莢好，不見秋霜霏。  
驅車逐走鹿，中路忘所歸。豈不愛其躬，天命與心違。  
古道今已矣，感寤空涕歔。

伏枕候明發，夢遊滄海中。中有萬斛船，蕩漾隨天風。  
舵師兀昏睡，環視立衆工。波濤正洶湧，欲往迷西東。  
寤寐惕驚起，魂魄猶忡忡。

蘇秦佩六印，賓從何縱橫。當時機中婦，倩咲遠相迎。  
黃金生意氣，蠶蠋見人情。豈無單瓢士，今爲時所輕。



種樹當中庭不識美與惡微陰未盈戶枝葉猶荏弱  
一朝根柢成延蔓蔽樓閣離披引刺蚝蒙昧喧鳥雀  
毀垣施斧斤得喪亦相若萬事不早謀日暮徒駭愕  
東園多桃李擢幹何交加春秋互述代衰榮競相夸  
穢穢去故物英英發新花花謝葉復作空令人歎嗟  
浮萍不依山女蘿不移根草木非有心天道更何言  
如何三春子磬折隨涼溫朝乘晉主車暮集韓魏門  
巧咲發容輝馳騁矜愚昏誰見陶彭澤桑麻滿田園  
上山采幽蘭盡日未盈手持贈故文人長喚不回首  
蘭花豈不芬故情豈不厚投之非所好良意翻成醜

峨峨蓬萊山渺渺大瀛水神仙有窟宅亦在玄黃裡  
大壑多驚風不辨龍與鯉吹沙乘波出洶若鯨鯢起  
陽侯貫深淵海若汨泥滓馬銜恣饒食罔象潛譎詭  
誰能報王母弱水不可履羲和近虞淵日暮空已矣  
亭亭山上木蔚蔚石底竹諒非懷隱憂胡爲自局促  
振衣陟崇岡高下眺原陸鳳凰棲枯枝稻粱肥雁鷺  
春陽悅衆目風雨愁比屋人主各有情豈若麋與鹿  
射干生曾岷不識寒澗陰池魚貫安流寧知江海深  
殷王相版築垂名耀來今後世重閎閎田野多伸吟  
鰕魚湧姑射月暈滄海風鯨鯢吐高浪白日寒矐矐

神仙下天闕，左右翳玉虹。金盤薦麟脯，翠甃擁青童。  
酣歌殷溟徼，魚鼈相唼喁。忽然乘雲去，寥落寒江空。  
結髮事遠遊，逍遙觀四方。天地一何闊，山川杳茫茫。  
衆鳥各自飛，喬木空蒼涼。登高見萬里，懷古使心傷。  
佇立望浮雲，安得凌風翔。

芳樹生丹崖，綠葉如雲烟。上枝蔽光景，下根蟠九泉。  
朝涼聒衆鳥，夕陰萃鳴蟬。豈不盛容色，及此陽春年。  
西風吹白露，點綴庭階前。繁華坐銷歇，枝葉空相捐。  
世情多反覆，天道有推遷。金屋擅嬌寵，長門閉神仙。  
獻賦亦已晚，徒悲淚如泉。

我有綠綺琴，其材出空桑。金徽映玉軫，音韻鏘琳琅。  
上絃感薰風，下弦來鳳凰。世耳不欲聞，子期今則亡。  
願持獻重華，路阻川無梁。

客有持六經，翩翩西入秦。衣冠獨異狀，談舌空輪囷。  
獻納竟何補，焚坑禍誰因。昂昂採芝士，矯矯踏海人。  
龍驤九淵外，豈復嘆獲麟。

白壁闕頑礪，淪晦同泥沙。朽壤生夜光，見者咸驚嗟。  
君子分寂寞，小人互矜誇。枯瘁若秋蓬，鮮豔如春華。  
狂風忽簸蕩，飄落歸誰家。

大道散草澤，呻吟在康衢。蔓葛自纏繞，蘭蕙日蕭疎。

雞鳴出門去，薄暮還走趨。進則蚊蟻萃，退爲失群鳥。  
君看拜塵友，逸氣凌東都。淒涼白首歎，千載爲嗟吁。  
象以齒自伐，馬以能受羈。猛虎恃強力，而不衛其皮。  
世人任巧智，天道善盈虧。不見瑤臺死，永爲天下嗤。  
槁葉寒撼撼，羅帳秋風生。淒淒候蟲鳴，啾啾賓鴻驚。  
美人抱瑤瑟，仰視河漢明。絲桐豈殊音，古調非今聲。  
沉思空幽寂，歲月已徂征。

晨登吳山上，四望長嘆嗟。借問胡嘆嗟，狹路險且邪。  
子晉竭忠諫，抉目爲夫差。宰嚭善逢迎，越又復相加。  
守正累則多，從人禍亦奢。遭逢貴明良，不爾俱泥沙。  
壺公下天闕，聊以觀世紛。賣藥汝南市，時人俱不聞。  
顧此非我徒，飄然乘白雲。方駕雙虬龍，被服九霞文。  
但見北邙阪，岑堯盡高墳。

種苗甫田中，其葉何離離。上天降膏澤，溥博無偏私。  
人力苟不至，不如茅與茨。常恐嘉實晚，坐傷零露滋。  
徘徊感節序，太息秋風時。

詠史

凱風扇朱夏，草木生清涼。臥疾澹幽曠，白日悠且長。  
散帙觀古人，喟焉想虞唐。陽春能幾何，陰氣多繁霜。  
天道諒悠悠，人理亦茫茫。詠歌寄深情，歌罷增慨慷。

暗恐訛

按軌或軌之誤  
然諸本皆同始  
且存疑不敢妄  
改

揭隆慶本作揭  
非今從乾隆本  
及列朝詩選

神樞幹元化，循環運陰陽。善惡隨氣異，禍福竟何常。  
朱均繼堯舜，時事已搶攘。至人妙轉移，霾曠回晶光。  
祥麟暗大野，君子徒慨慷。黃星照中原，天道遂披猖。  
汗漫千百年，流潦浩滂滂。否泰有傾覆，霖雨見朝陽。  
惜無風雨收，乘時佐羲皇。熙熙返大樸，濟濟垂衣裳。  
鼎湖去不復，歎息空哀傷。

野馬不羣食，彊受組與羈。低頭衡軌下，各自東西馳。  
秦人任法令，斬艾尊君師。六合始一家，恩愛已乖離。  
一旦山東客，揭竿以為旗。叫呼驪山徒，天下響應之。  
素車拜軹道，誰復為嗟咨。

周昌勇庭諍，子房善奇謀。王陵抗高議，平勃終安劉。  
經權兩不廢，道立知亦周。煌煌東都士，節義明清秋。  
孰知讒佞巧，舉足觸戈矛。顧此悲世運，泫然涕交流。  
食毒偶不死，謂言董可餐。墮河偶不溺，謂是天所完。  
侈心不自顧，利欲紛多端。百勝困一躓，名滅軀體殘。  
君子戒徼幸，小人樂災患。不見瑤與羽，千載遺悲酸。  
燕昭志報復，金臺求後賢。下齊如破竹，大耻雪九泉。  
六王死灰人，安可與比肩。奈何驕氣盈，妄想彼神仙。  
安期不可致，即墨火已然。煌煌召公業，委棄如浮烟。  
天狗吠梁野，七雄扇妖氛。吳徒二十萬，剽若狼虎群。

鼓行破棘壁，長驅似輕雲。漢將三十六，朱旗耀天垠。  
救梁不奉詔，太尉真將軍。遂令千載下，知人稱孝文。  
哀哉潼關戰，百萬徒紛紜。

平居觀群物，紛紛爭及頤。口舌不能勝，兵戈遂相隨。  
古來豪傑士，于今安所之。大運一朝至，孰分賢與蚩。  
所以四老人，去采商山芝。清風扇六合，百世真吾師。  
田橫不事漢，刎頸送咸陽。二客既穿冢，鳴中皆自戕。  
雖非中庸道，要亦有耿光。英雄久淪沒，世俗但炎涼。  
嗟嗟翟廷尉，慷慨令人傷。

四七續炎運，漸臺殪狂新。建侯首褒德，拳拳念生民。

富春有遺老，終竟不爲臣。遂令節義士，視身若埃塵。  
前車屢折軸，後駕無迴輪。不有錮黨禁，何由起黃巾。  
爲邦貴知本，明主宜書紳。

永嘉昔潰亂，南渡馳五馬。長江畫天塹，九廟扇灰地。  
豈無運甓人，亦有誓江者。智池不揚波，靈物棲曠野。  
哀哀黍離，淚空向新亭灑。

華門翳蓬蒿，窮巷絕馬跡。中有抱膝人，䟽糲不充食。  
榮華過浮埃，敝服無慍色。獻玉鄙卞和，扣角羞甯戚。  
天潢不垂雲，中夜起歎息。

美人皎如玉，挾瑟升高堂。泠泠向長風，操作孤鳳凰。

曲度未終竟，玄雲蔽穹蒼。走獸駭赴林，飛鳥號且翔。  
高山與流水，日莫空淒涼。

夫差臥薪日，勾踐嘗膽時。人生各有志，况乃身踐之。  
寧知姑蘇鹿，已與西施期。空令千載下，痛恨於鴟夷。

游仙

日月如過翼，瞬息春已秋。何不學神仙，縹緲凌虛游。  
雷霆以為輿，虹蜺以為輶。清晨登閬風，薄暮宿不周。  
長嘯層城巔，濯足翠水流。俯視八極內，擾擾飛蜉蝣。  
歧陽隱孤鳳，寰海騰蛟蛇。不食松柏實，而采日及花。  
翩翩柱下史，望望之流沙。麻姑何為者，乃降蔡經家。

神龍集 滂澤取咲於魚蝦

費生市井兒，未嘗識神仙。偶然壺中去，謂是別有天。  
幻化且不解，真訣安能傳。那將食色身，妄弄刑賞權。  
果然失符後，眾鬼不見憐。

天高河漢清，露白秋宵永。朝華炫紅芳，蟪蛄弔馳景。  
繁思靡志帥，內疚積心梗。涉江無方舟，汲井悲短綆。  
歲莫霜雪寒，泣涕沾項領。

秦皇煽虐燄，烈烈燔九州。平原曠如赭，鴻鵠安所投。  
所以避世士，慨想乘桴浮。樓船載偃子，去作汗漫游。  
何必蓬萊山，遠人卽瀛洲。虎視徒逐逐，竟死於沙丘。

娟娟姮娥女灼灼芙蓉姿一入月宮去千秋閉蛾眉  
涼風清玉除碧雲生桂枝鳳歌不可聽長夜有餘悲  
晨登女床山西北望崑崙樓臺似霄漢金碧氣魂魂  
素女三千人灼灼扶桑暎鸞笙引鳳舞雲旆隨霓旂  
老童發清歌昌容戲紫鸞神荼獻丹桃洪崖開玉尊  
蜚廉漫崔嵬建章空千門

大道久已晦誰能識仙真如何賣藥翁恠語驚市人  
日月空明照朝菌非大椿已矣復何道去去生愁辛  
感寓

暑退生夕涼褰衣步微月風來竹陰動草暗螢光發

佇立忽懷人江河渺難越

一日復一夕一夕復一朝青燈向暗壁光燄坐自消  
鞞鷹鍛六翮絕意於雲霄

招隱

秦皇火六籍黃綺之高山漢帝握乾符羊裘竟不還  
古來遯世士冥心丘壑閒於時苟無用安事空摧顏  
石泉清以芳白雲寒更閑春蔬襍甘辛秋果羅青殷  
濁酒晚自酌柴扉晝恆關嘯歌陟崇岡濯足臨潺湲  
金馬我何榮羊腸我何艱鴻鵠翔九霄邈然不可攀  
豫章長千仞挺生崇崖陰布葉連青雲交柯蔽層岑

誦意仙詩金 卷二  
結根豈不固斤斧將見尋有栢生石間屈曲叢灌林  
古根齧飛溜電火焚中心大不中梁柱小不堪瑟瑟  
風霜自搖落偃蹇獨至今

流水千百折白雲三四峯上有噴壑泉下有凌霜松  
中有一老人坐嘯巖間風素髮垂兩肩朱顏映青瞳  
年紀將百齡容貌如孩童長跪前致辭子非列仙翁  
咲謂汝孺子語汝使心通我生不偶俗遺身在蒿蓬  
結廬白水邊采藥青林中世語我不接世士我不逢  
簞瓢我不憂軒蓋我不崇自耕足我食自息安我躬  
冥冥絕思慮默默全和冲持此攝吾生仰荷元化功

何必插羽翰遠逐浮丘公再拜受斯言廓然如發蒙  
投簪謝知己一去無回蹤

有客歎我廬身披紫雲袍鳴騶列前後從者皆俊髦  
坐我蓬華下向我談伊臯手斡北斗魁足踏東海鼇  
高視六合內泰山等毫毛揮袂起謝客且還飲我醪  
醉臥不知曉衡門塞蓬蒿

襍詩

江籬生汀洲香氣何清婉欲采寄所思不憚道路遠  
疾風吹塵沙山澤蛟蛇混誰復惜芳菲空悲歲年晚  
小魚頭如針大魚須如松小大各生育孰私天地功



詩意仙言金 卷二  
坤靈發滯怒，溟海簸驚風。大魚食小魚，陂池爲之空。  
陂空水亦竭，小大相唼喙。但見灌莽間，顛骨成崆巖。  
殘膏飮螻蟻，孰辨鯨與鱉。

渴人常夢飲，飢人常夢餐。中霄羈旅夢，兩臂生羽翰。  
騰身入紫青，吹面天風寒。驚覺凜毛髮，感我涕沆瀾。  
吾觀神龍變，天地爲晦冥。龍成宰元化，嘉澤決四溟。  
出山不飄風，入水無震霆。枯萎仰沾溉，沃若生葱青。  
豈比蜈蚣與蝮裂，石摧巘陁俾民舉疾首。抗神蹙眉顛，  
鷹本是鷲鳥，爪利翮勁疾。胡爲化爲鳩，鈍拙無與匹。  
棲遲荆棘間，粒啄營口實。暮啼墻角，雨朝啼屋頭。日

昔爲衆鳥喪，今爲衆鳥啣。運命苦不常，孰爲金石質。  
愚公志移山，精衛思填海。山高海茫茫，心事金石在。  
松柏冒雪霜，秀色終不改。春陽熙幽林，卓立有光彩。  
急雨漲潢潦，溝池成五湖。青蛙與耿黽，得意鳴相呼。  
自謂樂無似，至足不求餘。蓬萊有玄鶴，曾見東海枯。  
清夜唳長風，哀音繞天衢。使我起太息，黑髯變霜鬚。  
空庭生夕陰，高閣留返照。歸鴉集紛紛，棲雀鳴噉噉。  
冥思觀群物，肆目展遐眺。草樹蔚參差，雲霞相輝耀。  
慷慨商山，心想像蘇門。嘯大鵬，搏扶搖。斥鷃翳蓬蒿。  
悠悠共淪汨，漬漬堪一咲。

惟豺知祭獸，獺亦知祭魚。豺獺有報，本人道當何如？  
華堂飲玉食，盜賊塞中塗。那能不自媿，而以耀庸愚。  
吁嗟千載下，枯骨空專車。

雷藏螫蟲伏，雷動螫蟲起。蟲雷不相期，冥契非人使。  
英雄應有時，何異羶致蟻。神劍無風胡，銅花蝕泥滓。  
蒼蠅眼晝明，蚊蟲眼夜明。明眼利口觜，晝夜無時停。  
拍死紛籍籍，飛來更營營。一旦霜風起，稜威肅天刑。  
飛者不復飛，鳴者不復鳴。雖有太陽光，不能煦其生。  
乃知天勝人，智力徒鬪爭。

豺狼食人肉，蚊蟲食人血。食肉死須臾，食血死不輟。

哀哀露筋女，肉盡惟皮骨。誰謂蚊蟲微，積鏽能銷鐵。  
在昔信陵君，謙勞實弘度。好士天下稀，賓客遠頌慕。  
救趙奪兵符，掃清邯鄲霧。歸來存大梁，秦甲虜東顧。  
魏王木偶人，朽心自成蠹。讒言一以入，危石不可據。  
日落西河陰，歌鐘怨零露。

天鷓巢蒿草，形軀纖且微。不知懷何事，直上聞天扉。  
啾啾終日鳴，天聽不可希。鍛羽口吻裂，落日空悲啼。  
雉死爲從雌，雌死爲鬪力。蜜蜂死洩憤，鴉鳩死求食。  
象犀好齒角，狨豹美毛色。紛紛死相藉，殺身奉華飾。  
自取夫豈過，外至良可惻。羆獍合族烹，梟鴟空卵殞。

古本豹上飲絨  
字今以乾隆本  
列朝詩選等補  
之

卯古本作卯非  
今從列朝詩選  
正之

山林久穢蒼誰復繼禹益

大星出西方  
睽睽如明月  
兒童驚指示  
草木見毫髮  
夜久斗柄迴  
人靜涼風發  
徙倚步中庭  
空烟散成雪  
楚人將適蜀  
揚帆信江水  
江闊多西風  
帆逸行不止  
日暮入海濤  
極目無涯涘  
鯨魚吹高浪  
舵折檣竿圯  
頓足空號呼  
烟波千萬里

桓溫一老兵  
豈識捫蝨士  
擁衆臨上流  
竟作跋扈鬼  
符堅氏羗豎  
何能作天子  
耽耽視中原  
爲有景畧耳  
知人聖難之  
求賢在虛已  
袁曹豈力敵  
生死一彈指  
惆悵後來人  
慷慨前車軌

英英木槿花  
振振蜉蝣羽  
乘彼三秋露  
及此六月雨  
容好能幾時  
生成亦良苦  
十年構阿房  
一日化爲土  
染鬚作童顏  
於身竟何補  
不如順天命  
保己良多祐  
天地若大甕  
萬物生其腹  
人猶腹中蟲  
蠢蠢隨化育  
鑽攻無時休  
臟腑爲翻覆  
帝青調元氣  
豈不畏戎毒  
皤然命滌蕩  
汗下兼湧劔  
蚩蚩自狂獠  
涓沸交殺戮  
何當瞑眩定  
風止水歸瀆  
鑄鐵作鋤犁  
春耕待秋熟  
二儀播元氣  
晝夜靡停機  
有生卽有死  
化工亦何私  
彼狂牽所欲  
冥行失康逵  
無航思利涉  
發此百禍機  
賊入還自賊  
擾擾竟何爲

郭南有窮夫黃髮對老妻見人抱兒女仰面看天啼  
郭北有宕子鮮服明春閨累累倚門親疏茹乏鹽醢  
盛年異欣戚薄暮空噬臍達生貴知命胡為苦悲悽  
咬咬水中鳧谷谷墻下雞良無反哺望乳抱何棲棲  
瞑目思此理惆悵中自迷

鬼神陰陽精變化無定迹如能禍福人豈向久求食  
而况天地心坦坦甚正直祭祀本人情將以牲與稷  
居歆豈在物馨香薦明德葛伯信不滅虞公亦何益  
前王有舊章敬之在無射

海鯨乘扶搖激水騰九旻退潮觸泥沙顛骨空嶙峋

蓋恐益之誤

寔列朝詩選作

猛虎掉尾行飲血不滿唇跳哮逞雄攫係首八尺緡  
賦命雖在天成之亦由人嗟嗟燈上蛾亦豈厭其身  
夷齊值明時餓死西山陽四老生亂世采芝以徜徉  
李業遇公孫欲蓋反受殃嚴陵辭故人萬古清名揚  
性也寔有命君子順其常漫漫雲間鳥冥冥隨風翔  
海宇豈不寬六翮有短長浩歌向日月曲盡意茫茫

感懷

昊天厭秦德瑞氣生芒碭入關封府庫約法唯三章  
英雄不世出智勇安可當叔孫一豎儒綿蕞興朝綱  
遂令漢禮樂遠媿周與商逝者如飄風盛時安得常

寤寐增永歎感慨心內傷

自都回至通州寄普達世理原理二首

且辭文明門回首望宮闕長雲擁蓬萊烟霧中  
相去不崇朝杳若隔溟渤扁舟指吳雲離夢縈燕月  
雖懷歸鄉歡復愴知己別裁詩寄悠悠感念深至骨  
西風吹青冥征鴻暮蕭蕭一辭都門去便覺京國遙  
輕霜入秋鬢落英罄寒條念我同年友高誼薄九霄  
恨我處退遠不得陪晨朝綿綿久要心萬里匪爲遼  
鱸鮓赴清洲孔翠依蘭苕飛潛各有適分得無外徼  
佇立望閭闔傾耳聆蕭韶

至乾隆本作年非

晚至草平驛

落日照阡陌秔稻生清香好風自西來吹我征衣裳  
但惜景物佳不覺道路長幽禽韻蒙茸馬足響康莊  
驛吏迎我前拜跪進酒漿要我入山館左右華燈光  
解鞍待升月星明樹蒼蒼

發安谿至青田戎事急不得留有感

鷄鳴戒晨裝掛席日尚早風亂沙上雲雨昏江中鳴  
士生從王事薄質非所寶但懼筋力微任重躋遠道  
昔邁園柳青今來江楓老豺狼互滅沒憂虞何時了  
朝原思眷今夜船夢萱草寸步隔河山怒焉傷懷抱

聳乾隆本作暮

躋恐躋之誤

眷恐眷之誤

天壽節同諸寓臣拜于寶林教寺禮畢登槃翠  
軒分韻得誓字

宿雨霽初節群山綠如洗流霞絢琳宇旭日射丹榮  
鳴鐘趨梵宮焚香望天陞遙遙蜂螳忱惓惓葵藿禮  
萬年主壽長百拜臣首誓竣事陟華軒敦情屬芳醴  
太師祇園英聰明實神啓諸公俱俊髦文藻壓班禰  
肅雍周簠簋古恠夏追蠡鹿鳴歌苹蒿魚麗詠魴鱧  
劍氣星有輝珠光海無底嘉會非尋常令德更豈弟  
澄心映空曠滌慮俯清泚看竹風泠泠折花露泥泥  
紆徐睇溟瀛緬邈想淮濟巍巍世皇業喬嶽深根抵

螳螂亢齊斧碎首堪立後農郊卜甘歲已喜先抽薺  
層樓盼北極祥光應周髀中山致麩糜東吳來秣米  
宴醕定有期玉釭浮盎醴

題蘭花圖

亭亭石上竹嫋嫋竹下蘭歲晚各自媚不知霜露寒  
欲持贈君子路永江海寬空山日搖落佇立起長歎  
正月一日公宴分韻得恩字

青陽肇嘉歲白日間春溫起視天宇間粲然生意存  
高堂建華蓋北面朝至尊彤雲暎扶桑條風吹我幡  
鳴絃在兩楹旨酒盈金罇轅門號令肅主將詩書敦

言意何言金  
彬彬衆多士矯矯鳳與鸞廟筭得其長豺狼安足吞  
揆予實砭砭深慙厠璵璠敢矜鉛刀割所望安黎元  
恢復舊土疆以酬生育恩

北上感懷

倦鳥思一枝櫪馬志千里營營勞生心出入靡定止  
伊余朽鈍材嬾拙更無比才疎乏世用嗜僻惟書史  
雖非濟時具頗識素餐耻既懷黎民憂妄意古人企  
寧知垂圓方舉足輒傷趾塵埃百病侵貧窶萬感累  
艱難幸息肩遲莫竊所喜明時登驥駮駕馬但垂耳  
自非冀北姿莫羨追風駛便欲解衣冠躬耕向桑梓

終懷葵藿戀不慕沮溺詭潜陽動原濕白日暖蘭芷  
埒雞戒晨鳴客子駕行李縈紆越巘嶠浩蕩涉風水  
淹留具區北信宿滄江圯維時連年歉道路多流徙  
官司職撫字黔首皆赤子陳紅太倉米豐年所儲侍  
爲民備乏困朝廷豈私此推餘補不足茲實王政始  
臣子宜奉承天威不違咫尺奈何簿書曹暴慢蔑至理  
苟云出納吝當閔穀觫死嗚呼草莽露慘惻溝瀆委  
聞之猶鼻酸見者宜顙泚踰淮入大河淒涼更難視  
黃沙渺茫茫白骨積荒蕪哀哉耕食場盡作狐兔壘  
太平戢干戈景物未應爾意者斯人徒縱欲擾天紀

人食之人古本  
乾隆本俱作八  
非今以列朝詩  
選正之

炬列朝詩選作  
炬

鬼神赫震怒，咎戾良有以。去年人食人，不識弟與姊。  
至今盜賊輩，嘯聚如蜂蟻。長戈耀白雪，健馬突封豕。  
豈惟橫山澤，已敢剽城市。途行絕稀少，空車但墻倚。  
身行須結集，一窠四五起。牧民豈無人，司寇亦有氏。  
陣車不驅馳，大田無耒耜。邦家祿食，恩豈爲臣奉。已  
山東古要地，燕趙猶唇齒。况茲南北衝，津梁通遠邇。  
屬當全盛時，四海同一軌。廟堂多稷契，振舉無遺弛。  
勿云疥癬微，不足成瘡痍。滔天起濫觴，炎罔發星炬。  
虞朝有分北，漢庭煩直指。農夫植嘉穀，所務誅糶稅。  
耕耘苟失時，雨露空沾灑。威懷豈異任，守令職非痺。

端能慎黜陟，此輩何足弭。故鄉隔山川，前途塞荆枳。  
青徐氣蕭索，河濟俱泥滓。痛哭賈生狂，長歎漆室裡。  
何當天門開，清問逮下俚。

南陵崔氏思梅詩

昔來梅花下，綵服輝清尊。今來不見人，淚滴梅樹根。  
梅落風不回，淚落化爲石。冥冥入幽泉，一夜千萬尺。  
晨詣祥符寺

上馬雞始鳴，入寺鐘未歇。草際起微風，林端淡斜月。  
僧房湛幽寂，假寐待明發。松徑斷無人，經聲在清樾。  
送鄭希道行省掾滿之泉州錄事



猥列朝詩選作  
積蓋古字同

鄭君廊廟姿才識天下冠若華升朝霞可望不可翫  
胸中富文史蔚蔚錦繡段公餘但好客高論幹雲漢  
蓮風散秋幕薇露收夕案吳雲翼行輒聞嶠入奇觀  
撫字徯深仁剴繁讓明斷嘉會復何時悠悠仰飛翰

發安仁驛

鷄鳴發山驛天黑路彌險烟樹出猿聲風枝落螢點  
江秋氣轉炎嶂濕雲難歛佇立山雨來客愁紛冉冉  
鉛山龍泉

茲山近南服勝迹冠朱方石骨入海眼地脉通混茫  
金精孕清淑水德融嘉祥寒含六月冰潤決九里長

鯨顛狎獵起虎口呿呀張發竇既窈窕流渠遂汪洋  
洞徹瑩玉鑑鏘鳴合宮商靜含玄機妙動見大智藏  
養德君子類膏物農夫望野僧向我言其功殊匪常  
飲之祛百邪能使俗慮忘漱嚥入靈符喉舌生清香  
爽浙動毛髮飄忽凌風翔何當揚湛冽盡洗貪濁腸

初食檳榔

檳榔紅白文包以青扶留驛吏勸我食可已瘴癘憂  
初驚刺生頰漸若戟在喉紛紛花滿眼岑岑暈蒙頭  
將疑誤腊毒復想致無由稍稍熱上面輕汗如珠流  
清涼徹肺腑粗穢無纖留信知殷王語瞑眩疾乃瘳

三復增永歎書之遺朋儔

望武夷山作

飲馬九曲溪遙望武夷峯長林抱迴合丹崖造空濛  
浮暉澹寒翠水木皆曼容薄遊限塵務促景尼奇蹤  
緬懷紫陽子千載誰與同瓊佩逸烟霧石函閑遺封  
羈猿怨幽澗飛蘿冒芳叢瑤琴空流泉桂枝徒秋風  
悵望佳期阻纏綿憂思重殷勒尺素書願寄雲間鴻  
早發建寧至興田驛

鷄鳴戒晨裝上馬見初日露沾葉尚俯霧重山未出  
客途得霽景緩步非縱佚矧茲歲有秋高下俱頽栗

術古本乾隆本  
作陌然術是押  
韵其誤甚明以  
列朝詩選正之  
柏乾隆本作柏  
非明詩綜作白

牛羊散原野鵝鴨滿阡術懷抱既夷曠神情自清謐  
寒花蔓籬落候蟲響蒙密霞標青楓林雪綻烏柏實  
幽覽雖云遽佳趣領已悉我行固無期况乃塵事畢  
題武夷圖

崇山奠朱維實維群山囿葱蘢薄光景隱顯變氣候  
百泉縈虹蜺萬谷蒸饋餽深根入無底峻表切星宿  
嶒嶸削劍戟窈窕錯錦繡騎雲擘高掌竇石室陰獸  
金鷄鳴未晨玉女來自逗琪樹縞玄宵瑤花落清晝  
美人遊不還霜月怨猿狖淒涼駕怪槎蕪沒白玉樞  
蓬萊渺滄海弱水浩漫溜良辰不可掩沉思令人瘦



